

門中
424
卷



新刊名方證類醫書大全序

建陽熊均宗立，勿軒後人也。自幼嬰疾，甫十歲受業仁壽劉先生之門。天資穎敏，書無不讀，無不通。早承師訓，以醫道有活人之功，極心焉。乃取古人醫學源流所著方書會同一選，始於風寒暑濕，終於小方脈科，釐為二十四卷，名曰醫書大全。刊傳四方，予得而讀之。如登崑山，瓊瑤琅玕粲然畢陳。如入武庫，戈矛甲冑森然具備。寃病之所由起，審藥之所宜用，所以體天地好生之仁，在是所以廣。

聖朝一視同仁之心，亦在是矣。嗟夫人生兩間，陰陽風雨晦冥，感其外，男女飲食之欲，傷其內，疾疢生

原序




季扁鵲思邈之良世不常有治病者其可以無方乎然古今專門名家或得此失彼家無全書人無全見臨證用藥幾何不至於誤耶宗立自幼至長採摭之勤服食之精所謂三折肱而知醫之良也是編之行業術者得以取衆論而折衷僻遠無醫者亦得以依方而救濟倉卒無大橫之憂頃刻有回生之方立心何其仁且博哉其視得一方秘而不以與人者大有逕庭矣昔人謂達則願為良相不達願為良醫夫相之與醫勢位雖相懸絕而其調燮元氣以壽吾民之命脉心則一也宗立是編豈非良醫之用心乎由是推而達之於良相之夏有不難矣噫相之用心皆能如宗立之用心庶乎

天下之福乎宗立以為何如嘗

大明天順二年歲在戊寅六月初言

賜進士秋官員外太中大夫資治少尹福建等處承宣布政使司右叅政惠陽吳高尚志書

醫善專以方貴經驗古今方書傳於世者甚衆蓋初
 學之士猶臨海問津焉能適從哉書林舊刊文法孫
 氏醫方集成後之名醫續增宣明拔萃等方又謂之
 大成是皆經歷效驗有不待試而百發百中者誠衛
 生之捷徑也然其方中證類混雜分兩欠明俾我同
 志不無憾焉余自幼多病喜讀醫書暇日因取前方
 證類歸類攝方入條復選諸名方中有得奇效而孫
 氏未嘗採者與夫家世傳授之秘總彙成編凡二十
 四卷目之曰醫書大全各卷分門各門折類各類載
 方方名之上次序順流以一二三四之數而標記之
 與目錄互相貫通使人展卷提其綱領而節自分明
 治病之際審其證候而方藥備具得無檢閱之繁庶



免狐疑之患書成藏于家塾以供自洵之需非敢謂
之當也坊中好妄者固請梓行與衆共之余不能已
因述其梗概題諸篇端云
正統十一年歲在丙寅暮春之初齋峯熊宗立道軒
序

醫學源流

三皇

伏羲皇帝

太昊伏羲氏風姓代燧人氏而王蛇身人首始畫八
卦造書契以代結繩之政制嫁娶以儷皮為禮結
網畧教佃漁養犧牲以庖厨故曰庖犧

歷代名醫圖贊曰

茫々上古

世及庖犧

始畫八卦

爰分四時

究病之源

以類而推

神農之降

得而因之

神農炎帝

炎帝神農氏姜姓人身牛首繼風姓而立火德王斷
禾為耜播禾為耒始教耕作蠶祭以赭鞭之草木



掌百草始興醫教人日中為市交易而退淮南子云神農掌百草之滋味一日而七十毒由是醫方興焉蓋上世未著文字師學相傳謂之草本

歷代名醫圖贊曰

仰惟神農 植藝五穀 斯民有生 以化以育
慮及天傷 復掌草木 民到于今 悉沾其福

軒轅黃帝

黃帝姓公孫名軒轅又曰姬姓有熊國君少典之子炎帝世衰諸侯相征伐軒轅乃習用干戈以征不享平定天下殄滅蚩尤以土德王天下內經素問序云安不忘危存不忘亡求民之瘼恤民之隱者往聖之用心也在昔黃帝之御極以理身緒餘治

史中
申行

天下坐明堂之上臨觀八極考建五常以謂人之生也負陰而抱陽食味而被色外有寒暑之相濕內有喜怒之交侵天昏札瘥國家代有將欲斂時五福以敷錫厥庶民乃與岐伯等上窮天紀下極地理遠取諸物近取諸身更相問難垂法後世於是雷公之倫受業傳之而內經作矣

歷代名醫圖贊曰

偉哉黃帝 聖德天授 岐伯俞附 以經以秘
導養精微 日竄日究 利及生民 勿替于後

天師岐伯

素問內經問答岐伯為黃帝之師故稱之曰天師岐伯全元起有說素者本也問者黃帝問於岐伯也

原元

五

於陳性情之源五行之本故曰素問岐伯世師
代李

名醫圖贊曰

天師岐伯 善答軒轅 製立素問 始顯醫源

伯高

素問靈柢經論順逆論五味及衝氣失常論客邪伯
高有答黃帝問難之語

鬼史區

素問內經天元紀大論有答黃帝之語

俞附

林改之作歷代名醫圖序有云俞附漸賜濊臑云云

少俞

素問靈柢經論勇論痛論五味少俞有答黃帝問難
之語

少師

靈柢經憂恚無言篇及通天論少師有答黃帝問難
之語

桐君

軒轅以前文字未傳如六爻指垂書象稼穡即事成
迹至於草本藥性所主當以識之相圖不尔何由
得聞至于桐雷乃著在於編菡草本應與素問同
類至後人張栻花佗輩遂為本經後人多更修飾
之尔

太乙雷公

黃帝坐明堂召引雷公問極濟生靈之道因而授之
事見素問內經十二卷著至教論篇由是雷公醫
道益著有炮灸論其序載在本草云公姓雷名敷
名醫圖贊曰

太乙雷公 醫藥之宗 灸燂炮熅 千古無究

馬師皇

馬師皇者黃帝時馬醫也知馬形生死診治之輒愈
後有龍下向之垂耳張口皇曰此龍有病知我能
治乃鍼其唇下口中以甘草湯飲之而愈後數日
有疾龍出其波告而求治之一旦龍負皇而去

列仙傳贊曰

師皇與馬 既無殘駒 精感群龍 術兼殊類

靈虬報德 弭鱗術變 振躍天漢 粲有遺蔚

按歷代名醫圖

三皇時有仇貨季為波伯祖世之師
理色脈而通神明

五帝

按歷代名醫圖

五帝時有巫咸伊尹

殷

伊尹

伊尹發內經素問之蘊著湯液之論名醫圖伊尹作
五帝時人在巫咸之次愚按伊尹相湯以王於天
下當在三代殷商之世豈姓字相同者乎今移于
此以俟識者而校之

周

范蠡

范蠡字少伯徐人也夏周師太公望好服桂飲水為越大夫佐勾踐破吳後乘輕舟入海更名姓適齊為鴟夷子更後百餘年見於陶為陶朱君財累億萬號陶朱公後棄之蘭陵賣藥後人世々識見之云

列仙傳贊曰

范蠡御桂 心虛志遠 受業師望 載潛載院
龍見越鄉 功遂身返 脫屣千金 與道舒卷

按歷代名醫圖

周時有七人未詳出處

巫彭 矯氏 俞氏 盧氏 鑿訥 文摯

鳳綱

秦

醫緩

晉侯有疾求醫于秦秦伯使醫緩為之未至晉侯夢疾化為二豎子曰彼良醫也懼傷我焉逃之其一曰居膏之上肅之下若我何醫至曰疾不可為也在膏之上肅之下藥不能達針不能及侯曰良醫也厚禮而遣之

醫和

國語晉平公有疾秦伯使醫和視之文子曰醫及國家乎對曰上醫醫國其次醫人固官醫也乃謂趙孟曰疾不可為也是謂近女室疾如盞非鬼非食

惑以喪志趙孟曰何謂盡對曰淫溺惑亂之所生也於交四蟲為盡在周易女惑男風落山謂之盡皆同物也趙孟曰良醫也

長桑君

扁鵲少為舍長舍客長桑君過扁鵲奇之常謹遇之長桑君曰我有藥方年老欲傳與子乃出懷中方飲以上池之水三十日當知物矣扁鵲如其言從此視病盡見五臟之癥結

神應王扁鵲

秦越人號扁鵲盧國渤海人得素問靈樞之旨設為問答作八十一難以釋疑義其間榮衛度數尺寸部位陰陽玉相藏府虛實脈法證病與夫經絡流

注針刺俞穴莫不該備為醫之祖焉

傳曰越人至魏魏太子暴死越人曰此尸厥也可活

乃針維會穴隨手而起

侯

扁鵲見齊桓侯曰君疾在腠理不治將深桓侯曰寡人無疾後五日彼見曰君疾在血脉不治將深五日復見曰君疾在腸胃不治將深後五日望見桓侯即退走曰疾居腠理湯熨之所及也在血脉針石之所及也在腸胃酒醪之所及也今在骨髓雖司命無奈之何後五日桓侯召之扁鵲逃去桓侯遂死然則學未至醫可見言哉

名醫圖贊曰

秦神扁鵲 精研醫藥 編集難經 古今欽若

安期生

安期先生琅琊阜鄉人也賣藥於東海邊時人皆言千歲翁秦始皇東遊請見與語三日三夜賜金璧度數千萬出於阜鄉亭皆置去留書以赤玉馬一量為報曰後數年求我於蓬萊山始皇即遣使者徐市盧生等數百人入海未至蓬萊山輒逢風波而還立祠阜鄉亭海邊

列仙傳贊曰

寥々安期 虛質尚靈 乘光適性 保氣延生
聊悟秦始 遺寶阜亭 將遊蓬島 絕影清冷

崔文子

崔文子大山人也世好黃老夏居潛山下後作黃散

赤丸成石父祠賣藥都市自言三百歲後有疫氣民死者萬計長吏之文所請救文擁朱幡繫黃散以循人門飲散者即愈所活者數萬後在蜀賣黃散故世寶崔文赤丸黃散實近於神

列仙傳贊曰

崔文得道 術兼秘奧 氣痛降喪 仁心傲悼
朱幡電塵 神藥捷到 一時獲痊 永世作效

按歷代名醫圖有秦三人

太醫令李醯 李豹 子陽 扁鵲弟子

西漢 自高祖至孺子十四主 二

倉公淳于意

太倉令淳于意精究醫道齊王太后病召意入診脈

大白風痺客勝難於大小便溺赤意飲以火有湯一
飲即前後溲通再飲病已溺如故病得之流汗出
滌之者去衣而汗稀也所以知太后病者診其脉
切其太陰之口浮然風氣也脉法曰沈之而太堅
浮之而大緊者病主在腎切之而相反也脉大而
躁大者膀胱氣也躁者中有熱而溺赤見史記淳
于意傳

名醫圖贊曰

漢淳于意 時遇文帝 封贈倉公 名傳萬世

淮南子

按漢書紀云淮南子姓劉名安乃厲王之長子文帝
十六年安紹封淮南王為人好讀書精醫術招賓
客方士作內書二十一篇外書甚衆又著鴻烈解

本草藥性多經其註武帝元狩元年淮南國廢改
為九江郡因號淮南子也

樓護

本草補注序有云舊說本草經神農所作而不經見
漢書藝文志亦無錄焉平帝紀云元始五年奉天
下通知方術本草者在所為駕一封輶傳遺詣京
師樓護少誦諸醫經本草方術數十萬言本草之
名蓋見於此

按歷代名醫圖 西漢有

- 元里公 楊慶 秦信 王遂 宋邑 公孫光
- 馮信 高期 王禹 唐安 杜信 玄俗
- 東漢

痺

張仲景

張機字仲景南陽人也為長沙太守深於醫道稱為
聖錄草本藥性作神農本經三卷又廣湯液為
傷寒卒病論合十六卷垂萬世不易之法然後醫
乃大備先聖後聖若合符節至晉王叔和以仲景
之書撰次成叙得成全帙遂為眾方之祖今世但
傳傷寒論十卷雜病未見其書或於諸家方中載
其一二矣如金匱方要亦有遺意焉

名醫圖贊曰

漢張仲景 傷寒論證 表裏虛實 載名聖

郭玉

郭玉廣漢人也後漢和帝時為侍郎為人善別脈知

人生死帝令童男衣女子之衣詐去其病使至診
脈玉曰此女誰言病據脈狀陽盛陰虛臣謂非女
帝善之遷五官中郎將

按歷代名醫圖東漢有

程高 涪翁 沈建 杜度 魏沈 張伯祖

魏

華佗

魏志曰甘陵相夫人有娠肢痛不安方得六月佗視
脈曰胞已死矣使人手摸知所在在右則女在左
則男其人曰在左於是為湯下之果下男形而愈
又有人病腹中攻痛十餘日鬢髮墮落佗曰是脾
半腐可剝腹治也使飲藥令卧破腹就視脾果半

腐壞以刀斷脾之割去惡肉以膏傳之即差魏太祖
祖而異之召佗常在左右太祖苦頭風每作心
亂目眩佗針鬲隨手而愈漢魏已來名醫益衆張
機華佗輩始因古學附以新說通為編述本草由
是見於經錄然舊經才三卷藥止三百六十五種
謂之神農本經

名醫圖贊曰

魏有華佗 設立瘡科 別骨療疾 神效巧多

李當之

李當之華佗弟子也修神農舊經作藥錄

吳普

吳普亦華佗弟子也廣陵人撰本草一卷作藥錄

封君達

封君達魏國人善醫號青牛道士

按歷代名醫圖魏有樊阿 韓康

吳

呂廣

呂廣吳人為太醫令重編難經按丁德用補注難經
歷代傳之一人至魏華佗乃燼其文於獄下於晉
宋之間雖有仲景叔和之書然各示其文而濫觴
其說雖吳呂廣重編此經而尚文義差迭按此則
難經為燼餘之文其編次復重經呂廣之手固不
能無缺失也按名醫圖有呂博無呂廣予疑博即
廣也

失盡送

負局先生

負局先生不知何許人語似燕代間人常負磨鏡局
徹吳市中街磨鏡一錢因磨之輒陷主人得無有
疾苦者即出紫丸藥以與之得者莫不愈如此數
十年後大疫病家至戶到與藥治之活者萬計不
取一錢吳人乃知其真人也後主吳山絕崖頭懸
藥下與人將去時語人曰吾還蓬萊山為汝曹下
神水崖頭一且有水白色流於石間取飲之多愈
疾因立祠焉

列仙傳贊曰

負局神滌 被褐含秀 術兼和鵲 心託宇宙
引彼蓬萊 灌此絕岫 欲返蓬萊 以存天壽

宙

董奉

董奉吳人居廬山治病無不應効病重者種杏五株
輕者一株遂成林號董仙杏林

唐慎微

唐慎微不知何許人傳其書者失其邑里族氏避
御諱改謹微因其見聞之所迨博采而備載之於
本草圖經之外又得藥數百種益以諸家方書與
經子傳訛佛書道藏丸散明乎物品功用者各附
於本藥之左其為書三十有一卷目錄一卷六十
餘萬言名曰經史證類備急本草察其為力亦勤
矣而其書不傳世罕言之迨宋大觀中集賢孫公
得其本而蓋之邦計之暇命官校正與本經及名

醫別錄唐本圖經與刊定重定會集成一纂工鑄
板以廣其傳是謂之大觀本草

韓保昇

韓保昇，傳蜀人為翰林學士，蜀主孟昶嘗命保昇等
以唐本圖經參比為書，稍或增廣，世謂之蜀本草

按歷代名醫圖蜀有李譔傳蜀主孟昶

西晉

王叔和

王叔和，西晉高平人也，為太醫令，性度沈靜，尤好著
述博通經方，精意診切，洞識脩養之道，其行更與
唐并伯宗名醫傳中譔脈經十卷，脈訣數卷，脈賦
一卷

名醫圖贊曰

晉王叔和 方脈之科 撰成要訣 普濟沈疴

李子豫

陶隱居序本草有云：李子豫善醫，嘗合赤丸能祛鬼
邪，病傳入藏府，服之隨即瘥

皇甫謐

皇甫謐字士安，號玄晏先生，博通古今，聚書萬卷，精
於醫術，作甲乙經

名醫圖贊曰

皇甫士安 治法千般 經言甲乙 造化寔難

張苗

晉書云：張苗雅好醫術，善消息診處，陳廩丘得病，眼

謐

藥發汗汗不出衆醫云汗不出者死苗乃燒地布
桃葉於上蒸之即得大汗便於被下傳溫粉候身
極燥乃起即差

張華

晉尚書張華字茂先精究醫道善觀察天文地理嘗
見斗間有異氣密謂雷煥曰寶劍之精當在豐城
華舉煥為豐城令掘獄基入地得石函中有寶劍
二題曰龍泉大阿送一與華及華被誅失劍所在
煥卒其子佩經延平津忽腰間躍水使人求之但
見兩龍相繞懼而還乃知異物終當化去

官泰 劉德 史脫 靳郤 趙泉 阮德

裴頠 裴頠

陶隱居云自晉代已來有張苗官泰劉德史脫靳郤
趙泉李子豫等皆一代良醫其貴勝阮德如張茂
先裴逸民皇甫士安及江左葛洪蔡謨苗仲堪諸
名人等並研精藥術

東晉

葛洪

葛洪字稚川丹陽人仕晉為勾漏令覽究典籍尤好
神仙導養之法隱居羅浮山鍊丹得仙號曰葛仙
翁在山積年優游閑養著述不輟撰經効方三卷
名曰肘後救卒方又曰肘後備急方又著神仙書
名曰內篇外篇九十一百一十六篇又號曰抱朴子
因以名書云終年八十一殯入棺後蓋棺輕發棺

視之惟衣而已世以為尸解云

范汪

范汪東晉時人嘗注本草藥品有方百餘卷無傳名醫圖作范汪陶隱居云余祖世已來務敦方藥本有范汪方一部斟酌詳用多獲其效內護家門傍及親族其有虛心告請者不限貴賤皆摩踵救之凡所救活數百千人自余投纓宅嶺猶不忘此日夜翫味常覺欣欣焉

蔡謨 商仲堪

按歷代名醫圖

西晉有 蔡謨 商仲堪

仰道士 支法存 東晉有 程據

今據陶隱居云蔡謨商仲堪江左人移東晉

南宋

徐熙

宋徐熙字秋夫善醫為射陽令常聞鬼吟呻甚凄若秋夫曰汝是鬼何如此答曰我患腰痛死雖為鬼猶痛苦尚不可忍聞君善醫願求救秋夫曰鬼類無形何由措置鬼云縛草作人子依之但取孔穴鍼之秋夫如其言鍼腰俞二穴肩井二穴設祭而埋之明白見一人來謝曰蒙君治療後為設祭病今已愈感惠實深忽然不見秋夫曰夫鬼為陰物病猶告醫既愈矣尚能感激來謝况於人乎其鬼姓斛名斯

徐文伯

宋太子善醫書出苑見一有孕婦太子自為診之是
一女一男文伯亦診之乃一男一女太子性急欲剖
腹視之文伯曰自請鍼之令落於是馮足三度交
補半陽明合谷胎應鍼而落果如文伯之言愚按
宋太子即少主元徽

又按南史記范雲為陳武帝屬官武帝寵之將有九
錫之命在旦夕矣雲忽感傷寒之疾恐不得預召
徐文伯診視以其事實告願得速愈文伯曰便愈
甚易只恐二年後不復起耳雲曰朝聞道夕死可
矣况二年乎文伯以火燒地布桃葉設席置雲於
上頃刻間汗解撲以溫粉翌日愈雲甚喜文伯曰
不足喜也後二年果卒

少主元徽 胡洽 秦承祖 羊欣

陶隱居云宋有羊欣元徽胡洽秦承祖各有尚書褚
澄徐文伯嗣伯群從兄弟療病十愈八九凡此諸
人各有所撰用方觀其指趣莫非本草者乎或時
用別藥亦循其性度非相踰越

按歷代名醫圖

南宋有 道度 秋夫 長子

叔嚮 秋夫次子 薛伯宗 徐仲融 僧深 劉洵子

齊

褚澄

奇光祿大夫褚澄仕至尚書建平孝王妃姬等皆麗
無子擇良家未笄女入御又無子知澄善醫問曰
求男有道乎澄對曰合男女必當其年男雖十六

而精通必三十而娶女雖十四而天祭至必二十而嫁皆欲陰陽完實然後交合則交而孕之而育育而為子堅壯強壽今味符之女人天祭始至已近男色陰氣早洩未完而傷未實而動是以交而不孕之而不育之而子脆不壽此王之所以無子也大主誠能訪求多男婦人媒至官府有男之道也王曰善未再春生六男

徐之才

徐之才精明醫藥作本草藥對長子林鄉次子同鄉皆善於醫

徐嗣伯

齊書曰秣陵人張景患腹脹面黃醫莫能治嗣伯曰

此石蛇示極難療當得死人枕煮服即往石塚中取枕煮服之得大利并蛇蟲頭堅如石者五升即差又有人姬患滯冷嗣伯診之曰尸症也亦教之煮死人枕而愈後沈僧惠患眼痛多見鬼物嗣伯曰邪氣入肝可煮死人枕服亦就愈王晏問曰三病不同治差則一何也曰石蛇者久蛇醫療既癖其蛇轉堅世間藥不能遣須鬼物驅之而散尸注者鬼氣也伏而不起令人沈滯須鬼物促之夫邪氣入肝使眼痛而見魍魎應須鬼物以鈎之是故三者皆用死人枕也氣因枕去故復埋於塚間也

按歷代名醫圖

南齊有張子信 馬嗣明
北齊有龍樹王菩薩 顧歡

李元忠

崔季舒

李密

祖挺

鄧宣文

顏光祿

梁

正白先生陶景

正白先生初不知何許人亦不知姓氏名醫圖作真
 白先生按開寶重定本草序云本草舊經三卷至
 梁正白先生陶景乃以別錄參其本經朱墨雜書
 時謂明白而又考彼功用為之注釋列為七卷南
 國行罕未必陶景號正白先生耶恐只一人矣又
 名醫圖梁列真白先生次蘇恭次陶弘景則各自
 是一人矣

今按書林廣記梁陶景謚正白先生况蘇恭唐人則

名醫圖之誤也明矣

一作陶弘景重選草本藥品三百六十五種增入舊
 經作七卷謂之名醫別錄自魏隱居先生按段成
 已題葛氏肘後備急方序有白華陽陶景曰葛之
 此製利世實多但行之既久不無謬誤乃著百一
 方疏于備急之後訛者正之闕者補之附以炮製
 服食諸法纖悉備具開卷見病備急益宜觀葛陶
 二君世共知為有道之士於學無不貫於術無不
 通故謂之華陽陶隱居補闕肘後百一方

後魏

按歷代名醫圖

後魏有

王顯

徐審

徐雄

後周

原流

二十

按歷代名醫圖

後周有

徐之範

杜善方

姚僧坦

隋

巢元方

巢元方為大醫博士隋煬帝大業六年奉敕撰病源候論五十卷今謂之巢氏病源

楊上善

楊上善隋朝人精通內經素問纂為太素

全元起

隋志全元起訓解黃帝內經一十八卷素問即其經之九卷鍼經九卷共十八卷即內經也楊玄操云黃帝內經二帙各九卷隋書經籍志謂之九靈

王冰名為靈柩

按歷代名醫圖

隋有

徐敏齋

許智藏

唐

藥上真人孫思邈

孫思邈京兆華原人也七歲就學日誦千言及長盛談葑老百家之說周宣帝時以王室多憂隱於太白山學道鍊氣養形求度世之術洞曉天文推步精究醫藥審察聲色迥蘊仁慈九所奉勳務行陰德用心自固濟物為功偶出路行見人欲殺小青蛇已傷血出思邈求其人脫衣贖而救之以藥封裹放於草間後出行見一白衣少年僕馬甚盛下馬迎拜謝言小弟昨蒙所救父母欲相見以別馬

儼
詩頌大且儼

載思邈偕行到一城郭門庭煥赫人物繁盛儼若王者之居少年延思邈入見一人端美白恰帽絳衣侍從甚衆欣喜相接謝曰前者小兒偶出忽為愚人所傷賴道者救贖獲全其命感再生之恩乃命女子領一青衣小兒出拜思邈省思邈救青蛇但不知此何所也心甚異之潛問左右曰此涇陽水府也恰帽乃命設酒饌妓樂以宴思邈辭以辟穀服氣惟飲酒耳遂以輕綃珠金贈於思邈堅辭不受乃取龍宮所頒藥方三十首與思邈謂曰此真可以濟世救人俄命僕馬送歸思邈深自以為異歷試諸方皆有神効後著千金方三十卷散龍宮之方在其內又著脈經一卷皆盛行於世隨文

頌
全首見

帝徵為國子博士不就唐高宗召拜諫議大夫復固辭年九十餘視聽不衰永徽二年二月十五日晨起沐浴儼其衣冠端坐而化月餘顏色不變奉屍入棺如空已尸解矣

名醫圖贊曰

唐孫真人 方藥絕倫 扶危極弱 應効如神

藥王韋慈藏

藥王姓韋氏名詵道號慈藏醫中之聖藥中之王靈應如神人皆仰之今醫家皆圖繪其像而祀之

名醫圖贊曰

大唐藥王 德號慈藏 老師韋訊 萬古名揚

啓玄子王冰

按唐人物志冰仕唐為太僕令年八十餘號啓玄子
篤好醫書精通素難按黃帝內經十八卷素問即
其經九卷內經第七卷鍼經九卷共十八卷隋書
經籍志鍼經九卷謂之九靈王冰改名靈柩冰乃
精勤博訪詢謀得失得先師張公秘本一以參詳
因而撰註用傳不朽兼舊藏之卷合八十一篇分
二十四卷於是內經聖意燦然昭明素問玄吉豁
然數暢後之學者何其幸歟

楊玄操

楊玄操大唐人明方脉好直言嘗註解八十一難經

蘇恭

蘇恭唐高宗顯慶中為朝議郎行右監同府長史騎

都尉與許孝崇等採摭本草差謬表請刊定

許孝崇

許孝崇為太中太夫行尚藥奉御

李世勣

唐司空英國公李世勣與蘇恭許孝崇等參考本草
得失又增一百一十四種分門部類廣為二十卷
世謂之唐本草圖經

孟詵

孟詵仕唐為光祿卿精於醫著食療本草刊行于世

李含光

李含光唐人著本草音義賜號玄靜先生

陳藏器

陳藏器唐人著本草拾遺

時賢

唐翰林學士時賢撰胎前十八證

何若愚

何若愚南唐人字公務少習醫業既得鍼法撰指微論三卷探經絡之原贖鍼刺之理又作指微針賦貞元初常山謫明廣為之註解今載鍼灸四書之首

周顧

明皇雜錄有黃門奉使交廣回周顧謂曰此人腹中有蛟龍上驚問黃問曰卿有疾否曰臣馳馬大庾嶺時當大困且渴遂飲水覺腹中堅否如石顧遂

以硝石及雄黃煮服之立吐一物長數寸大如指視之鱗甲具投之水中俄頃長數尺以苦酒沃之如故明白已生一龍矣上甚訝之

梁新

唐崔魏公鉉夜暴亡召良醫梁新診之曰食毒僕曰常好食竹雞新曰竹雞多食半夏苗必是半夏毒乃命搗生薑汁而灌之即活

按歷代名醫圖有宋俠張文仲

蘭陵處士蕭炳 許胤宗 李盧縫 王方慶

甄權 元珠先生 甄立言

楊損之 秦鳴鶴 張鼎 陳仕良

五代

日華子

日華子按名醫圖作五代時人本草藥性多經日華子註姓陳氏

宋

劉翰 馬志

宋開寶中兩詔醫士劉翰道士馬志等相與編集本草又取醫家常用有效者一百三十三種而附益之仍命翰林學士盧多遜李昉王祐扈蒙等重為刊定由是本草乃有詳定重定之目並鑄板摹行由是醫者用藥遂知適從

掌禹錫大明板宋部載劉禹錫劉唐人也恐字誤煥今改劉作掌蓋掌禹錫宋人也

宋光祿卿直秘閣同校正醫書

林億

宋尚書祠部郎中秘閣校理同校正醫書

蘇頌

宋太常博士集賢校理同校正醫書

張洞 高保衡 秦宗古 朱有章

宋仁宗慶曆間詔命儒臣尚書都官員外郎孫奇騎都尉高保衡林億等重校神農本草經纂次神醫普救太平聖惠重定鍼灸愈穴校正內經素問脈經千金外臺傷寒論玉函金匱等書嘉祐間又詔掌禹錫林億蘇頌張洞高保衡等相次被選仍領醫官秦宗古朱有章等編繹連年作慶曆善救方簡要

濟衆方既而補註本草成書

孫兆

孫兆宋仁宗朝將仕郎守殿中丞習通醫經內經素問重加改正刊誤又有傷寒脉訣

王纂

傳曰王纂少習醫方尤精鍼石遠近知名嘉祐中縣人張方文因暮宿於廣陵廟中其女有一物假作其婦因被魅惑而病纂為治之一鍼有一祟從女被中走出而病愈矣

范九思

傳曰宋仁宗嘉祐中有太傅程公守於江夏因母之暴疾喉中患癰卒然而長氣塞不通命醫者止可

用藥治之勿施鍼以損之衆醫不敢措治召醫博范九思云有藥可療須用未使新筆點之癰便差公遂取新筆與之九思乃以點藥上癰藥到則有紫血頓出漸氣通而差公曰此達神聖之妙矣命九思飲而求其方九思大笑曰其患執毒結於喉中塞之氣不宣通病危甚公堅執用藥不可鍼若後公意則必誤命九思曾用小針截於筆頭中妄以點藥乃鍼破其癰而効也若非此何紫血隨下也公方省而歎且善之

劉元賓

劉元賓自號通真子宋神宗熙寧間人精通方脉掌補註叔和脉訣作診脉須知傷寒總括脉要秘訣

縣

等書刊行于世

劉溫舒

劉溫舒，宋哲宗元符時人，為朝散郎、太醫學司業。作素問八式運氣奧論，刊附靈樞經卷末。

許叔微

許叔微字知可，白沙人。宋翰林學士，年少未遇時，嘗以登科為禱。一夕夢神告曰：汝欲登科，須憑陰德。叔微自念家貧無力，惟醫乃可。於是精意方書，久乃通妙，人無高下，皆急赴之。既而所治愈多，聲名益著。後夢神授以一詩，曰：藥有陰功，陳樓間，廬堂上呼盧，喝六作五。是年登第，第六名進士，策上一名。陳祖言下一名樓材，及注胤用，外甲恩如第五名。

喝六作五

授職官，以歸與詩中之言無差。此則濟人之病急者也。後為學士，著傷寒百證歌集，本事方等書，並行世。

鮑志大

鮑志大，江南括蒼人。官至承直郎，博學宏詞，科精通醫術，編集醫書會同。

錢乙

宋朝錢乙字仲陽，汝陽人也。精小方脈，尤得其妙。著小兒方藥直訣，為世專科。門人簡孝忠所纂集也。按演山省翁活幼口議云：晉朝醫士錢乙著小兒方訣，又按養生必用方卷末附說，簡孝忠議初虞世所著必用方謂中風不可吐小兒，瘡癩當轉瀉。

二說誤人甚多蓋初虞世乃宋哲宗紹聖時人雖五代後晉至此百有餘年况前晉年代愈遠則錢氏宋朝人也必矣

初虞世

初虞世宋哲宗紹聖中人居靈泉山蒲池寺善會院撰次古今錄驗養生必用方

龐安常

龐安常宋哲宗元祐時人自號蘄水道人以醫聞淮甸嘗著傷寒卒病論有脉法其略曰鄉人皆為我能與傷寒語我察傷寒與四溫變辨其疑似而不可亂也故定傷寒於喉手配覆溢於尺寸寓九候於浮沈分四溫於傷寒此皆扁鵲略開其端而余

參以內經諸書考究而得其說審而用之順而治之病不得逃焉詳見醫說欽人張子充留意於醫長聞蘄水龐安常善醫徃徃之游一日丐者扣門自言為風寒所苦龐以藥濟之丐者問當用何湯數龐君見其手執敗蒲扇指以此煎湯調服子充初不省其意乃曰豈非本草所謂敗蒲扇能止汗者乎龐曰然翌日其疾果愈子充辭歸嘆曰龐君用藥真善矣

何澄

宣和間有一士人抱病經年百治不瘥聞何澄善醫其妻召至引入密室中告之曰妾以良人抱疾日久典賣殆盡無以供醫藥之資願以身相酬澄正

邑拒之曰小娘子何出此言但放心當為調治取
効切不可以此言相汚萬一外人知之非獨使澄
醫藥不効不有人誅必有鬼責未幾其疾愈何
澄一夕夢入神祠有判官語之汝醫藥有功不於
艱難之際以色慾為貪亂良人婦女上帝冷賜汝
錢五方貫管一資未數月東宮得疾國醫不能治
有詔召草澤醫澄乃應詔進劑而愈朝廷賜錢五
萬貫與初品官自後醫道盛行遂置殷富京師號
為何藥院家見張季明醫說

聶從志

儀州華亭人聶從志良醫也邑丞妻李氏病垂死治
之得生李氏羨而淫慕聶之貌他日丞出李偽稱

疾邀之伺其至語之曰我幾鬼錄賴君復生無足
以報願以身供枕席之奉其驚而趨出追夜李復
出就之其絕袖脫去後歲餘儀州推官黃者國病
陰吏追以冥證事還至河邊見獄吏押一婦人剖
其腹滌其腸問其故吏曰此汝同官某之妻也欲
與醫我通我不許其良醫善士壽止六十以此障
德遂延一絕仍世々子孫一人官婦人減等如其
所增之數今滌蕩其腸洗其淫也靖國素與其善
既覺以其復告之其驚曰方私語時無人聞而奔
來我處亦無人知因異之其後果七十二歲終一
子登科其孫圖南紹興中為漢中雒縣丞

朱肱

見夷堅志

朱肱宋政和中人以奉議郎致仕號無求子著傷寒百問武夷張藪序其書曰張長沙南陽人也著傷寒論其言雖詳其法難知奉議公傷寒百問蓋祖述其說神而明之以遺惠天下後世余因揭其名為南陽活人書

張渙

宋徽宗太子壽王聰幼時常發痼疾諸大名醫莫之能愈時有北方醫士張渙挾盞貨藥于都下召之入內用藥即效官至翰林醫正留方五百有餘逐病叙說深參其要近傳于世云

陳承

宋陳承將仕郎措置藥局檢閱方書

裴宗元

宋裴宗元試太醫令兼措置藥局檢閱方書

陳師文

宋朝奉郎守尚書庫部郎中提轄措置藥局陳師文與裴宗元陳承等同選編太平惠民和劑局方

寇宗奭

寇宗奭宋徽宗政和間授承直郎澶州司戶撰成本草行義二十卷轉添差充叔買藥材所辨驗藥材通直郎

陳言

陳言字無擇宋高宗紹興中青田鶴溪人著三因極一病源論粹九十八卷一百八十門得方一千五

十餘道

湯氏望

湯氏民望，宋南渡時東陽人，精小方脈，求者不擇貧富，悉治療如法。其子麟，登進士第，人以孝隱德之。報麟子衡，尤邃於此，多因以得官。述其家傳有明驗方二十卷，刊于會稽郡，翁謂之曰嬰孩寶書。

莊紳

莊紳，字季裕，清源縣人。宋高宗建炎中，官至朝奉郎。前江南道都總管同幹公事，以醫顯於時。熟砭熨之微，乃取膏肓腧穴各法，著書作圖，刊行于世。今附鍼灸四書中是也。

李知先

李知先，字元象，號雙鍾處士。宋孝宗乾道中，人撰傷寒百問，次韻成歌，便於記誦，因名曰活人書括。

楊俊

楊俊，宋孝宗淳熙間代郡人。世傳醫業，有家藏方三十卷，行于世。

溫大明

溫氏大明，五世行醫。宋淳熙間為保義郎，差充殿前司提點，諸班醫藥兼和劑局監，收買藥材。官後棄利名，隱居求志，取家傳秘方，并生平行用，有應効。圓散及古今者方良法，叶韻成詩，謂之隱居助道方服藥須知。

許洪

許洪，宋寧宗嘉定中仕太醫助教，差充四川總領所
檢察惠民局，掌增校和劑局方，具註本草藥性於
方藥逐品之下，附以吳直閣等得效各方及諸局
經驗秘方，又編次和劑指南總論。

張松

松字茂之，宋嘉定中授承節郎，監饒州城苗稅，著究
源方及傷寒百問經絡圖方十餘卷行于世。

王璆

王璆，宋寧宗慶元中，人號是齋，作百一選方。

詹端方

詹端方，宋時建安人，纂次本草類要，鑄板行世。

杜光庭

杜光庭，號廣成先生，特進檢校太傅太子賓客主管

太子戶部侍郎，徽國公，選玉函經上下卷。

丁德用

丁德用，宋朝人有難經補註。

紀天錫

紀天錫，宋朝人，居代麓，詳解黃帝難經三卷。

謝復古

謝復古，宋人有難經註。

錢聞禮

錢聞禮，宋時建寧府通判，作傷寒百問歌九十三首，
既以龍溪隱士湯尹才所撰傷寒解惑論刊附卷
首，合為一書，尹才乾道時人，良醫也。

李昆

代秦

郭稽中

郭稽中，宋大觀時人，作產後二十一論，與唐翰林時賢胎前十八證合，謂之胎產真經，板行。

陳文中

陳文中，字文秀，宿州維揚人，為和安郎，判太醫局，兼翰林良醫，著小兒痘疹經驗方，全亡，歸宋廐，漣水十五年，理宗淳祐中，與保安郎翰林醫正鄭惠卿同編校幼幼新書，陳氏又有小兒病源方論一卷。

陳自明

陳自明，字良甫，臨川人，宋理宗嘉熙中，為建康府明道書院醫諭，著婦人良方及管見良方，又有外科精要，宗立續雜，婦人良方補遺，刊附各卷。

鄭端友

鄭端友，宋理宗淳祐中人，集全嬰方論行于世。

楊士瀛

楊士瀛，字登父，福州三山人，號仁齋，宋理宗景定中，人著直指方，活人摭括，嬰兒秘要等書，刊行。

黎民壽

黎民壽，字景仁，宋景定中，參釋氏魏黎居士，初註玉函經，後作簡易方，斷病提綱，決脈精要，俗謂之醫家四書。

王惟一

王惟一，宋咸淳間翰林醫官，朝散大夫，殿中省尚藥奉御，騎都尉，王惟一奉敕編脩銅人腧穴鍼灸圖經，凡

五卷

朱佐

朱佐字君輔咸淳間人有集驗良方刊板印行

嚴用和

廬山嚴用和宋度宗咸淳間人作濟生方論凡八十
門製方凡四百餘道釐為十卷又續方三十四評
論義精詳曲盡其意

李駟

李駟字子楚號晞范子宋咸淳間臨川人集註叔和
脉訣又有難經句解並行世

按歷代名醫圖宋有

趙從古 孫用和 宋道方 王從蘊 吳復圭

曹孝忠 王光祐 陳明遇 安自良 翟煦

賈祐 蔣淮 張素

全金

李源

李源字巨川金時名醫也名醫圖作李道源竇太師
序流注指要後有云李君巨川以鍼法救疾除疾
病於目前愈瘵疾於指下信所謂伏如橫脊應若
發棧萬釜萬全百發百中加以好生之念素無利
利之心嘗謂予曰天寶不付於非仁聖道須傳於
賢者侯不揆遂伸有求之懇獲無吝之誠授穴
之所秘者四十有三瘡疾而弗瘳者方千無一

竇漢卿

各
一
一

竇氏名傑字漢卿古肥人官至太師以醫名顯於世
得鍼灸法遂著鍼經指南大金時入燕山竇桂芳
序鍼灸四書曰余先君漢卿公以藥與艾見重於
當時士大夫如雨嵩吳憲與以借補憲司官醫助
教之職達尉游憲親為書其藥室曰燕山活濟堂
至元丙子以來余挾父術遊於江淮間得遇至人
授以鍼法且以子午流注鍼經竇漢卿鍼經指南
三書見遺余乃拜而受之珍藏翫味大有進益且
喜其姓字醫術與余先君同也因是作而言曰南
北有二漢卿姓同字同而為醫亦同也北之漢卿
得持行道鍼法精於八穴以愈疾名顯于世官至
太師南之漢卿隱居求志惟以藥與艾推積活人

濟世之功由是觀之信矣南北氣質之不同達其
為相不達則為醫亦其志之出處異矣

成無已

成無已金國人嘗注解仲景傷寒論

張子和

張子和宛丘人大定明昌間以醫聞世南渡以來興
定中召補太醫著儒門事親書刊印行

劉守真

劉氏名元素字守真大金河間人也因號河間居士
作傷寒直格素問玄機原病式及醫方精要素問
藥證宜明論方等

張素元

一云張元素字潔古因號潔古老人精通方脈充喜
著述有藥註脈訣難經引經主藥潔古家珍補劑
錢氏方藥性珠囊產育保生方等書行于世昔許
文正公語及近代醫術謂潔古之書醫中之王道
然觀潔古氏藥註疑其草藁姑立章指義例未及
成書也今所見者徃徃言論於經不相涉且無文
理既言潔古平日著述極醇正此絕不相似不知
何自遂及板行反為先生之累豈好事者為之而
托為潔古之名耶

張璧

張璧號雲岐子潔古之子也著醫多新說保命傷寒
論叔和百問已刊附藥註脈訣內

按歷代名醫圖金有

何公務 侯德和 馬宗素 楊從政 袁景安

元

李杲

李杲字明之自號東垣先生潔古老人之門弟也金
亡值元遂為元人著作甚多惟有用藥珍珠囊脾
胃論內外傷辨醫字彙明五經活法機要蘭室秘
藏瘡瘍論醫說辨惑論等書刊行

王好古

王好古字進之號海藏先生東垣弟子也著仲景詳
辨一卷活人節要歌括三備集醫壘元戎湯液本
草癰癧論光明論標本論小兒吊書雜著有傷寒

辨惑論辨守真論十二經藥圖解神景一集此事
難知

羅天益

天益號謙甫先生東垣弟子也著衛生寶鑑藥象圖
又有經驗方

吳恕

吳恕號蒙齋元至元中錢塘人精熟醫家以傷寒證
類書列成圖詳其證治名曰傷寒指掌圖

僧繼洪

繼洪號澹寮汝州釋氏精通方脈有淡寮集驗秘方
一十五卷至元時人

胡士可

胡士可宜豐人元貞時授瑞州路醫學教授以本草
圖經藥品三百三十九種編成節要叶韻為歌鑠
板印行便於記誦宗立復取諸醫方中常用而胡
氏所闕未編入者八十四種悉補增歌括纂圖附
註以全之

陳澤民

陳澤民字希元元大德中建陽人善於醫作四時治
要方刊于鰲峯家塾

孫允賢

孫允賢文江人元仁宗延祐中選醫方集成予先祖
彥明公復選宣明拔粹等方而附益之是謂醫方
大成

李仲南

李仲南號栖碧隱士元延祐中人深為醫藥作錫類
鈴方今日永類

馮道玄

馮道玄元泰定年間人以醫術行於江淮間尤精小
方脈因集全嬰簡易方刻梓崇川書府

薩謙翁

謙翁先生姓薩氏名字未詳元泰定間為建昌郡守
公隙之時考訂名醫方書嘗經驗者分門別類為
一十五卷錄梓群庠且其書曰瑞竹堂經驗方本
翁教授王都中序其書云

危亦林

亦林號達翁南豐人充本州醫學錄轉充官醫副
提領集世醫得効方自序曰鼻祖自撫而遷于南
豐高祖雲仙遊享東京遇董奉二十五世孫京授
以大方脈還家而醫道日行伯祖子表復傳婦人
正骨金鏃等科大父碧崖得小方科於周氏伯熙
載惟學眼科及療瘰疾至亦林再參究瘡腫咽喉
口齒等科及儲積古方并近代名醫諸方由高祖
至亦林凡五世矣隨證隨効然而方書浩若滄海
卒有所索目不能周乃於天曆初以十三科各自
依按古方參之家傳昕夕弗怠刻苦凡十稔編次
甫成爲十有九卷名曰世醫得効方

滑壽

滑壽字伯仁元至正間許昌人著難經本義

朱彥脩

朱彥脩元至正間人得東垣海藏之傳醫振南方為一時名醫之最重者

附遺

斗門方揚師方勝金方廣利方靈苑方煙霞方等猶未得見難稽作者姓名又如孫用和方蘇沈方姚和衆方阮民望經驗方吳月潭傷寒一覽演山省翁治幻口議仁存孫氏活法方大監王公鍼灸資生經等雖有板刻以行未能詳其年代出處又據醫說宋有張子充善能診脈知人生死及生平貴賤禍福吉凶榮辱剋應如神然予觀之不過近於相術未足為診

候之善是故未敢編取

夫醫之道肇自伏羲流於炎皇嘗百草之滋味始興醫藥以及黃帝之聖與岐伯等更相問難黃法後世於是雷公得以受業相傳而內經作矣迨夫商之伊尹論湯液秦之扁鵲著難經漢仲景啟傷寒晉叔和述脈訣皇甫謐葛稚川輩皆著書作方爰隋唐已來真人孫思邈藥王章慈藏等皆有動天地感鬼神驚人駭俗之藝歷代推為名醫也唐耳伯宗撰歷代名醫自三皇始而迄於唐繪列成圖宋許慎齋又錄唐及五季宋金數代之人如通真子劉元賓索古老人張素元等序次以續耳伯宗所作名之曰歷代名醫探源報本之圖然究其

圖雖顯名醫之名而無傳文可致未免不有年代
差謬姓名各別之患如趙宋之王纂列於南宋大
唐之蘇恭贊於南梁范汪作注孝崇作宗之類覽
者豈無憾焉予不揣庸愚固知固陋竊以前圖詳
加校訂訛者正之闕者增之餘嘗討尋史子百氏
諸醫方書作為傳義以發乎行事之實復以元人
裨續千後儻或搜求不及姑闕之矣惟我

皇朝混一而來治化文明雍熙盛世醫林中往往有
聳然高明洞達魁邁如前人者甚衆國初徐彥純
劉宗厚劉淵然等而接乎王海截朱彥脩之傳著
玉棧微義及濟陰備急等方刊行四方皆為當時
之名醫也宗立徒長山林識見不廣未敢輕易為

說以俟後之君子而續作焉是編既成刊附醫書
卷首展卷則見上古聖賢道藝相傳歷代名醫著
方垂訓功名行迹燦然可觀俾人咸知起敬而不
敢忽則斯道之大而有所自來尔熊宗立拜手敬
書時

景泰新元庚午歲也

醫學源流終

寬永九年^{壬申}孟春良日

相江左宗



